

**Dugoročni udjeli u pridruženim subjektima i
zajedničkim poduhvatima**

(izmjene i dopune MRS-a 28)

Oktoibar, 2017. (2. novembra, 2017. izmijenjeno je numerisanje tačkaka)

Izmjene i dopune MRS-a 28 Ulaganja u pridružene subjekte i zajedničke poduhvate

Uvode se tačke 14A. i 45G. - 45K., te briše tačka 41. Brisani tekst je precrtan.

Metoda udjela

- 14A. Subjekt također primjenjuje MSFI 9 na druge financijske instrumente u pridruženim subjektima i zajedničkim poduhvatima na koje se ne primjenjuje metoda udjela. To uključuje dugoročna ulaganja koja, u suštini, čine dio neto ulaganja subjekta u pridruženi subjekt ili zajednički poduhvat (vidjeti tačku 38.). Subjekt na takva dugoročna ulaganja primjenjuje MSFI 9 prije nego primijeni tačku 38. i tačke 40. - 43. ovog standarda. Kod primjene MSFI-ja 9, subjekt ne uzima u obzir bilo kakva usklađivanja knjigovodstvene vrijednosti dugoročnih udjela koja proističu iz primjene ovog standarda.

Primjena metode udjela

- ...
41. ~~[Brisano] Subjekt primjenjuje zahtjeve iz MSFI-ja 9 u pogledu umanjenja vrijednosti na svoje druge udjele u pridruženim subjektima i zajedničkim poduhvatima koji spadaju u djelokrug MSFI-ja 9 a koji ne čine dio neto ulaganja.~~
- ...

Datum stupanja na snagu i prijelazni period

- ...
- 45G. Odredbama dokumenta *Dugoročni udjeli u pridruženim subjektima i zajedničkim poduhvatima*, objavljenog u oktobru 2017. godine, uvedena je tačka 14A. i brisana tačka 41. Subjekt je te izmjene i dopune dužan primjenjivati retroaktivno u skladu sa MRS-om 8 na godišnje izvještajne periode početno sa ili nakon 1. januara, 2019. godine, izuzev u slučajevima iz tačaka 45H. - 45K. Dozvoljena je i njihova ranija primjena. Subjekt je dužan objaviti svaku primjenu izmjena i dopuna na ranije periode.
- 45H. Subjekt koji izmjene i dopune iz tačke 45G. prvi put primijeni u isto vrijeme kada počne primjenjivati i MSFI 9 dužan je primijeniti prijelazne odredbe iz MSFI-ja 9 na dugoročne udjele opisane u tački 14A.
- 45I. Subjekt koji izmjene i dopune iz tačke 45G. prvi put primijeni nakon početka primjene MSFI-ja 9 dužan je primijeniti prijelazne odredbe iz MSFI-ja 9 neophodne za primjenu zahtjeva datih u tački 14A. na dugoročne udjele. U tu svrhu, svako pozivanje na datum prve primjene MSFI-ja 9 treba tumačiti kao pozivanje na početak godišnjeg izvještajnog perioda u kojem subjekt prvi put primijeni date izmjene i dopune (u daljem tekstu: datum prve primjene izmjena i dopuna). Subjekt nije dužan ponovo utvrđivati prethodne periode kako bi uvažio primjenu ovih izmjena i dopuna. Subjekt može ponovo utvrđivati prethodne periode samo ako je to moguće bez retroaktivnog sagledavanja (eng. *only if it is possible without the use of hindsight*).
- 45J. Kod prve primjene izmjena i dopuna iz tačke 45G., subjekt koji koristi privremeno izuzeće od primjene MSFI-ja 9 u skladu sa MSFI-jem 4 *Ugovori o osiguranju* nije dužan ponovo utvrđivati prethodne periode kako bi uvažio primjenu ovih izmjena i dopuna. Takav subjekt prethodne periode može ponovo utvrditi samo ako je to moguće bez retroaktivnog sagledavanja (eng. *only if it is possible without the use of hindsight*).
- 45K. Subjekt koji ne utvrđuje ponovo prethodne periode primjenjujući tačku 45I. ili tačku 45J., dužan je, na datum prve primjene izmjena i dopuna, priznati u okviru početne zadržane dobiti (ili druge komponente kapitala, ako je prikladno) svaku razliku između:
- (a) izvorne knjigovodstvene vrijednosti dugoročnih udjela opisanih u tački 14A. na taj datum; i
 - (b) knjigovodstvene vrijednosti istih dugoročnih udjela s tim datumom.